

თბილისის მუნიციპალიტეტის საკრებულო

ურბანული დაგეგმარებისა და საქალაქო მეურნეობის კომისიის სხდომის

ოქმი №36

ქ. თბილისი

2018 წელი, 28 დეკემბერი, 15:00 საათი

სხდომას ესწრებოდნენ კომისიის წევრები:

რევაზ სოხაძე, გიორგი ტყემალაძე, ბექა დავითულიანი, დავით უჯმაჯურიძე, ვახტანგ შაქარიშვილი, დავით უთმელიძე

სხდომას თავმჯდომარეობდა: რევაზ სოხაძე

სხდომას არ ესწრებოდა: თევდორე ისაკაძე, გიორგი გაბაშვილი, გოჩა თევდორაძე, ნიკოლოზ ვაჩეიშვილი,

სხდომის მუშაობაში მონაწილეობდნენ:

დავით ჩანქსელიანი - შ.კ.ს. „თბილისერვის ჯგუფის“ იურდიცული სამსახურის უფროსი

დღის წესრიგი:

ქალაქ თბილისის მუნიციპალიტეტის დასახლებული ტერიტორიის დაგვა-
დასუფთავების და ნარჩენების მართვის მომსახურების ორგანიზების კონკრეტული
ფორმის გამოყენებაზე ქალაქ თბილისის მუნიციპალიტეტის მთავრობისათვის
თანხმობის მიცემის თაობაზე

კომისიის თავმჯდომარე ბატონი რევაზ სოხაძე მიესალმა კომისიის წევრებს და
სხდომა გახსნილად გამოაცხადა.

ურბანული დაგეგმარებისა და საქალაქო მეურნეობის კომისიამ დღის წესრიგი
დაამტკიცა.

საკითხი წარმოადგინა შ.კ.ს. „თბილისერვის ჯგუფის“ იურიდიცული სამსახურის
უფროსმა ბატონმა დავით ჩანქსელიანმა. მისი თქმით, ქალაქ თბილისის
მუნიციპალიტეტის მთავრობის 2017 წლის 21 დეკემბრის №48.03.961 „ქალაქ თბილისის

მუნიციპალიტეტის დასახლებული ტერიტორიის დაგვა-დასუფთავების და ნარჩენების მართვის მომსახურების ორგანიზების კონკრეტული ფორმის განსაზღვრისა და ქალაქ თბილისის მუნიციპალიტეტის 100% წილობრივი მონაწილეობით დაფუძნებული შპს „თბილსერვის ჯგუფის“ (ს/კ 206267494) დაფინანსების თაობაზე“ განკარგულებით ქალაქ თბილისის მუნიციპალიტეტის 100% წილობრივი მონაწილეობით დაფუძნებულ შპს „თბილსერვის ჯგუფს“ დაევალა ქალაქ თბილისის მუნიციპალიტეტის ქუჩების, მოედნების, შიდა კვარტალური ტერიტორიების, სკვერებისა და პარკების დაგვა-დასუფთავება, მოსახლეობის, ორგანიზაციების, დაწესებულებების, ინდივიდუალური მეწარმეებისა და იურიდიული პირების მიერ წარმოქმნილი მყარი (საყოფაცხოვრებო) ნარჩენების შეგროვება-ტრანსპორტირება, ნაგავსაყრელ პოლიგონზე ნარჩენების განთავსება და გაუვნებლობა, ნარჩენების განთავსების საბოლოო ადგილების მართვა, თოვლცვენის დროს ქუჩებსა და მოედნებზე მარილის მოყრა, ქალაქ თბილისის ტერიტორიაზე დასახლებული ტერიტორიის დასუფთავების მოსაკრებლის დარიცხვა-ამოღების ორგანიზება, მონაცემთა ბაზების დროული განახლება, მომხმარებელთა გადამხდელად დარეგისტრირება, არსებულ დარიცხვაში კორექტირების შეტანა, დარიცხვის შეწყვეტა, „ქ. თბილისის მუნიციპალიტეტში დასახლებული ტერიტორიის დასუფთავებისათვის მოსაკრებლის შემოღების, გადახდის ინსტრუქციისა და დაგვა-დასუფთვების, ნარჩენების მართვის, ოპერატორის შერჩევის და ქალაქ თბილისის მუნიციპალიტეტის საკუთრებაში არსებული ნარჩენების განკარგვის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 12 დეკემბრის №17-46 დადგენილებით გათვალისწინებული პირობების შესაბამისად და დასახლებული ტერიტორიის დასუფთავების მოსაკრებლის გადამხდელთა მიმართვის შემთხვევაში, მოსაკრებლის გადამხდელთათვის დარიცხული მოსაკრებლის კორექტირება, მოსაკრებლის დავალიანების გადახდის განწილვადება, ამავე დადგენილებით დამტკიცებული „დასახლებული ტერიტორიის დასუფთავებისათვის მოსაკრებლის გადახდის ინსტრუქციის“ მე-6 მუხლის მე-5 და მე-6 პუნქტებით დადგენილი პირობებით და ასახვა მონაცემთა ბაზაში, დაწესებულებებთან, ორგანიზაციებთან, ინდივიდუალურ მეწარმეებთან, იურიდიულ და ფიზიკურ პირებთან გაფორმებული ხელშეკრულების საფუძველზე ქ. თბილისის მოსახლეობისთვის დედაქალაქის დაგვა-დასუფთავების და ნარჩენების მართვის მომსახურების ტარიფის (საფასური) დავალიანების განწილვადება, დაგვა-დასუფთავებისა და ნარჩენების მართვის მომსახურების ტარიფის (საფასური) დავალიანების თანხაში დაწესებულებების, ორგანიზაციების, ინდივიდუალური მეწარმეების, იურიდიული და ფიზიკური პირების მიერ გადასახდელი ტარიფის (საფასური) უზუსტობის შემთხვევაში, დაზუსტებული ოდენობის განსაზღვრა დაწესებულებების, ორგანიზაციების, ინდივიდუალური მეწარმეების, იურიდიული და ფიზიკური პირების მიერ მოწოდებული ინფორმაციის საფუძველზე და სხვა თანმდევი მოქმედებების შესრულება.

ზემო აღნიშნული დადგენილება მოქმედებს 2018 წლის პირველი იანვრიდან 2018 წლის 31 დეკემბრის ჩათვლით.

ქალაქ თბილისის მუნიციპალიტეტის 100% წილობრივი მონაწილეობით დაფუძნებული შპს „თბილსერვის ჯგუფისათვის“ (ს/კ 206267494) 2019 წლის პირველი იანვრიდან 31 დეკემბრის ჩათვლით იგივე დავალების შესრულების უზრუნველსაყოფად, მიზანშეწონილია, შპს „თბილსერვის ჯგუფის“ (ს/კ 206267494) დაფინანსება. აღნიშნული ღონისძიებების დაფინანსება უნდა განხორციელდეს ქალაქ თბილისის მუნიციპალიტეტის 2019 წლის ბიუჯეტით დამტკიცებული „დასუფთავების ღონისძიებების“ (კოდი:03 02) სუფსიდიის მუხლით გათვალისწინებული ასიგნებებიდან.

ზემო აღნიშნულის გათვალისწინებით წარმოდგენილი პროექტით მოხდება შპს „თბილსერვის ჯგუფის“ (ს/კ 206267494) დაფინანსება 51 000 000 (ორმოცდათერთმეტი მილიონი) ლარის ოდენობით.

აღნიშნულის გათვალისწინებით, კომისია მიზანშეწონილად მიიჩნევს განკარგულების პროექტი გატანილ იქნეს საკრებულოს სხდომაზე განსახილველად.

ურბანული დაგეგმარებისა და საქალაქო მუნიციპალიტეტის კომისიის თავმჯდომარებრების სოხაძემ სხდომა დახურულად გამოაცხადა.

სხდომის თავმჯდომარე

მ. სოხაძე

რევაზ სოხაძე